

# Årsmelding Bruktbuo 2021



**Opningstider:**  
**Torsdag 12-18**  
**Fredag 11-17**  
**Laurdag 11-14**

# Om Bruktbuo:

- Butikken ligg i Eikelandssosen sentrum (Torsneset 13).
- Me tek i mot brukte varer i frå privatpersonar og selger det vidare til ein billig penge.
- Har ope torsdag - laurdag.
- Det er tilsaman 10 vakter som må dekkast av frivillige per veke. Det er alltid to på vakt. Dei frivillige vel sjølv når og kor ofte dei vil stå på vakt.
- Me har om lag 40 frivillige.
- Bruktbuo er eigd av Fusa frivilligsentral. Det er dagleg leiar som har det administrative og daglege ansvaret, men butikken har eit eige styret.
- Overskotet av salet i Bruktbuo bli fordela likt på to gode formål.

Det eine er barne-, og ungdomsarbeidet til Fusa sokn, det andre er Childrens burn & Wound care foundation. Siste nemnde er ein stiftelse av Dr. Einar Eriksen som heldt til i Etiopia. Dei arbeida med å operere brannskadde born, samt utdanne lokalt helsepersonell.

- I 2021 enda overskotet på 108.083 kroner.

## Styret har i 2021 bestått av:

Olaug Bjørndal (leiar)

Helga Lundervik

Bodil Samnøy

Victoria Dale (sekretær)

## Vararepresentantar:

Andrea Aadland Bolstad

Anne Kristin Aase

Styret har hatt 4 styremøte i løpet av 2021. Det er også teke beslutningar via telefon/sms og mail. Årsmøte fann stad 27.april saman med Fusa frivilligsentral.



I Etiopia er brannskader ei stor utfordring.

Norske Einar Eriksen har i mange år hatt eit stort engasjement i Etiopia for å hjelpe desse borna til å kunne få eit normalt liv. Stiftinga CBWCF arbeider aktivt med å utdanne personell og ruste opp sjukehus med eigne brannskadde avdelingar. Dei er mangel på mykje, alt i frå sondemat til medisinsk utstyr.

Me synast difor at det er givande å få vere med å støtte dette gode arbeidet som me har eit nært forhold til.

## Etiopisk kaffi



Einar Eriksen og kona Lilian Rose Eriksen er med jamne mellomrom på besøk til oss. Like før jul var dei innom. Dei hadde då med etiopisk kaffi og gåveposar med kaffi og heimalaga ting frå Etiopia. Desse har vore til sal i butikken, og er ei direkte inntektskjelde for CBWCF.



# Tysdagsklubben og loddosal!



Kvar andre tysdag i månaden er det handarbeidstreff i Bruktbuo. De er eit ope treff for medarbeidarar og andre. Treffet heldt til mellom klokka 11-13. Det pleier om lag å vere cirka 10 personer med per gong. Her kosar ein seg med kaffi, prat, handarbeid og song. Ein ta med eige handarbeid eller finne seg noko å halde på med i Bruktbuo.



I butikken kjem det inn mykje restegran og halvferdig handarbeid. Dei ivrige damene stikkar og syr flotte produkt. Dei er produktive, så det er samla seg opp mykje fint som skal vere gevinstar. Det var planlagt ein basar til inntekt CBWCF. Grunna strenge restriksjonar gjennom stortsett heile året måtte me utsetje basaren. Me har i løpet av året att tre ulike loddbøker til sal. Ei med ein hardanger bunad til jente, ei med mange flotte heimelaga gevinster og ei juleloddbok.

To av bøkene blei trukke i Bruktbuo 1.oktober, og juleloddboka blei trukke 16.desember.

Det har tilsaman kome inn heile 49.540 kroner i loddosal i 2021. Dette skal gå til å hjelpe brannskadde.



## Bruktbutikk i hjarte av Eikelandssosen i 10 år!

1.oktober 2011 opna Bruktbuo dørene for fyste gong.

Sidan den gong har bruktbuikken vore drifta av dyktige frivillige. Det er blitt seld mykje varer, og me har tilsaman dela ut cirka 1.200.000 kroner i overskot. Av det nokon ikkje har nytte av lenger. Det er heilt fantastisk!

Me måtte sjølvsaft ferie at butikken vår var 10 år. 1.oktober inviterte me til bursdagsfest i Bruktbuo med kaffi og kringe frå Aarviks bakeri.

Det blei eit tilbakeblikk frå oppstarten med tidlegare dagleg leiar Astrid Heidal og styreleiar Terje Sørås. Musikk av Jon Berhovde, tilbod på 50% på alt i butikken og trekning av to loddbøker. Det blei ein skikkeleg fest med mykje folk innom butikken denne dagen.



7.oktober fekk me besøk av nokre damer frå bruktbuikken til Jondal frivilligsentral. Me stella i stand litt lunsj til dei, og me hadde ei kjekk stund med mykje prat og erfaringsutveksling.





I Bruktbuo er det alltid mogleg å setje seg ned å ta ein kopp kaffi i sofakroken vår. Denne er også god å ha for dei som er på vakt. I Bruktbuo er alle velkomne. Dei som er på vakt vel også sjølv kor mykje dei ynskjer å gjere. Dersom ein ynskjer å sitje å strikke er det heilt i orden. Ein gong for halvåret pleier styret for Bruktbuo å arrangere medarbeidarsamlingar.

I 2021 hadde me to slike treff.

## Vinnesholmen

Me synast det er kjekt å setje litt pris på medarbeidarane våre med jamne mellomrom. Om lag to gongar for året inviterer me dei difor til medarbeidarsamling. I juni inviterte me alle med oss til Vinnesholmen.

Dagleg leiar hadde kjøpt inn grillmat og anna snaks. Me kosa oss i fjæresteinane med god prat, latter, quiz og song. Ein koseleg kveld som me seint gløymer.



## Julebord på Bjørkheim

I november inviterte me medarbeidarane våre med på tur til Bjørkheim i Samnanger. Der var me fyrst på besøk i bruktbuikken Annekset. Ein koseleg bruktbuikk med flotte utstillingar. Etterpå var me i eigne lokalar i kroa på Bjørkheim. Her fekk medarbeidarane velje mellom pinnekjøtt eller svineribbe, etterfølgt av riskrem til dessert. Dagleg leiar hadde også fått inn ein lokalmann som kom fortalde morosame historiar i frå lokalmiljøet.

Desse medarbeidarsamlingane er ein fin arena til å diskutere ulike problemstillingar og erfaringar ein gjer seg i butikken.



## Karneval

I februar inviterte me til karneval der **"alle med hatt får 50% rabatt!"**

Dette var eit artig stunt, som gjorde at me fekk eit godt sal denne laurdagen, og det var mange kundar innom med fine hattar.



# Kundefridag

Det kjem stadig inn nye varer til butikken. Lager fyller seg difor opp, og varer blir kjøpt frå hyllene i butikken. Me må difor med jamne mellomrom ha ryddedagar. Kvar 3.måndag inviterar me difor til kundefridag. Det blir då rydda, vaska og fylt på varer. Innom mellom er me nødt til å kaste ting, det er ikkje alt me får inn som kan seljast i butikken. I løpet av året har me vore heldige å fått ein mann som har sagt at han kan ta seg av bosset vårt. Med jamne mellomrom fyller han bosset inni bilen sin å kører det til BIR. Me er svært takksame for denne hjelpa.



Frivillige er også flinke til å ta eige ansvar til å rydde på lager og i butikken. Dette gjer at lageret heldt seg ryddig og oversiktleg. Me har difor eit par gonger i løpet av året opna lagert slik at kundar kan få kome inn der å handle. Dette har vore svært populært, med godt sal.



## Innsats for andre

Me har i periodar på torsdagsformiddag hatt med oss nokre elevar frå klassen innsats for andre ved Fusa ungdomsskule. I vår var det ei gruppe med nokre jenter, og i haust var det ei gruppe med gutar. Dei har hjelpe til med oppgåver som rydding, vasking, bosskasting, pynting og skru opp hyller. Dette har vore til nyttig hjelp, og det har vore kjekt å hatt ungdommar blant oss.

## Redesign

I butikken har me mange kreative damer. Nokre av dei tek med seg tekstilar og andre gamle varer heim. Når dei kjem tilbake med det har produktet ofte fått nytt liv og utsjånad. Ein gammal genser kan til dømes bli til hundeseng, og ei gammal gardin er blitt til eit handlenett. Dette er då varer som me kan selje i butikken. Det er også nokre som strikker labber og votter av restegarn som me har til sal.



## Babytepper og babyklede

Restegarn me får inn blir til babytepper og klede som kjem til nytte i lokalt og i Etiopia!

Frivillige medarbeidarar og andre, er flinke til å strikke tepper og babyklede av restegarn som kjem inn i Bruktbuo.

Det pakkar me og sender nedover til prematur babyar i Etiopia. I tillegg gav me også i 2021 nokre av babyklede/teppa til intensivavdelinga på KK Haukeland. Dette blei dei svært takknemlige for.



## Investeringar

Me fekk på nyåret i 2021 beskjed i frå rekneskapsføraren vår om at kasseapparatet vårt i Bruktbuo var utdatert og ikkje lengre var godkjent.

Me måtte difor prøve å få tak i eit nytt. Dageleg leiar brukte litt tid på å undersøkje og finne eit som var enkel i bruk og ikkje så kostbart. Dagleg leiar fann tilslutt eit i underkant av 10.000 kroner. Då kasseapparatet var på plass blei alle medarbeidarane invitert inn til opplæringsdagar med kassen. Dette fungerte godt. Dei frivillige har teke den nye kassen på strak arm, og fleire har skytt over at denne er enklare enn den gamle.

Me måtte kjøpe nye hengsler til ytterdøra vår då desse blei øydelagt ved eit uhell. Me var heldige å fekk Jon Berhovde til å kome å byte dei.

Dagleg leiar kjøpte også inn nye hyller til lageret, slik at me lettare kan halde orden der ute.



## Tv-aksjonen

Laurdag 23.oktober gjekk dagsinntekta til årets Tv-aksjonen som var Plan sitt arbeid med temaet "barn ikke brud".

Denne dagen hadde me kafè, utdeling av bøsser og tilbod i butikken.

Det blei solgt for tilsaman 2200 kroner.



## Covid-19

Koronapandemien har også prega oss litt dette året.

Me måtte blant anna halde stengt ei veke i februar.

I tillegg har de vore restriksjonar på antall kunder i butikken, bruk av munnbind og bruk av handsprit. Me er imponerte over dei frivillige, og kor flott dei har handtert dette.

Me har heller ikkje kunne samlast som normalt til kundefridagar, me har då hatt påmelding og antallsbegrensning. Me håpar at dette no er over for godt.



## Sommarhjelp og språkpraksis

Me hadde i sommar med oss to unge jenter som sommarhjelp. Dette er til god nytte då det er fleire av dei frivillige som er bortreist eller opptekne om sommaren.

Kvar fredag formiddag har me hatt med oss ei dame frå Ukraina i Språkpraksis.

Ho tok sjølv kontakt å spurte om ho kunne ha språkpraksis hos oss.

Eit positivt tiltak!

## Møtestad

Bruktbuo har vore ein fin arena til å halde møter når ein må halde litt avstand til andre. Butikken er difor blitt brukt til møtelokale for styret til Bruktbuo, frivilligsentralen og senioruniversitetet.



# Oppsummering

Til tross for restriksjonar har me hatt eit godt år økonomisk sett. Det har også fått seld mykje loddar, mange av desse loddpengane har kome inn via stands, og Vipps. Me ser at Vipps er eit godt verktøy til å nå ut til fleire no i pandemien. Dei frivillige har gjort ein formidabel innsats, med å ta vakter og rydda i butikken. Me har gjort mykje kjekt saman sjølv med begrensningar. Bruktbuo er ein sosial møtestad for mange.

I løpet av året har me diverre mista nokre medarbeidarar av ulike grunner, men det har også kome nokre nye til. Det er ikkje få timar med arbeidsinnsats som er lagt ned i Bruktbuo. For ikkje å tenka på timar som og er lagt ned heime med strikkepinnar eller synål i handa. Me er imponert over denne gjengen. Alle kan ikkje gjere alt, men når alle gjer litt blir me gode!



**Tusen hjarteleg takk til deg som står på, tar vakter, er serviceinnstilt, strikker og syr, ryddar, køyrer på varer og er med på å halda butikken fin og i møtekomande!**

**Takk til styret og frivillige som er med på å halda Bruktbuo i gong.  
Me kunne aldri dreve noko bruktbutikk utan deg!**



**Tusen takk til de som kjem med varer til oss.  
De er med på å gjera butikken til eit skattekammer for kundar frå fjern og nær.**

**Hjarteleg takk til du som kjem å handlar hos oss.  
Du gjer det mogleg å driva overskot på brukte ting.  
Vårt arbeid kjem lokalsamfunnet, miljøet og born i Etiopa tilgode.**



**Kunne du tenkje deg å bli frivillig hos oss?**

Me treng alltid fleire medarbeidarar.  
Kom gjerne innom oss å prøv. Du vel  
sjølv kor ofte du vil vere her.  
Har du spørsmål, ta gjerne kontakt  
med dagleg leiar på 92093716.



**Følg oss gjerne på Facebook på "Bruktbuo Fusa"**